

MESKER - ARUBA N.V.
MOSAICO di PLASTIC
Un bonita vicer pa cu-
shina, pasillo y banjo.
Practico y moderno !!
FABRIKAAT
LINDLEUM KNOMMENIE
TEL. 1325

A RUBA ANSE COURANT



Diario pa



Aruba

KING SIZE COCA-COLA
MORE
FOR
YOU!

NOW!!
AIRCONDITIONING
FOR
COOLNESS



No. 4388

Reaccion fuerte riba e nota di Union Sovietica

LONDEN, 17 juli — Gobierno ingles ta „decepciona“ door di rechazo dje deliberacionnan na Berlin door di Union Sovietica. Den circulonan oficial britanico, nan a spera un tal reaccion, despues dje discurso cu Chroesjef a tene diamars na e „conferencia mundial di paz“, cu nan a tene na Moscu, y dje „declaracion autoriza“ di Tass, cu despues a sali den corant.

E portavoz, dje ministerio mericano di exterior, Lincoln White, a bisa cu e ta lamenta, cu Union Sovietica no a duna „contest“, riba e proposicion di 25 di juni, cu nan a haci pa „hanja un solucion practico“ dje situacion cu a worde crea door di e construccion dje muraja berlines.

Den e nota Union Sovietica ta acusa Merca y Alemania West di ta alenta e hechonan probante na Berlin. Segun Tass, e nota ta bisa cu e provocacion aki, ta empeora e situacion den e territorio mencionado. E atakenan arma, asesinato y sabotaje na e instalacion di frontera y otro crimenan no ta incidentenan con cu ta, pero hechonan agresivo contra e republica aleman democratico y su aliadonan, e estadonan socialista. Hechonan cu nan a stipula

for di prome, cu alemanizacion di banda aleman, segun Tass den e nota.

Nota Ruso

Union Sovietica a manda atrobe un nota pa e tres potencianan occidental tocante „provocacion“, na Berlin West, asina radio Moscu, a anuncia ajera. Segun e nota, e „provocacionnan“ di elementonan fascista y revanchista for di Berlin West, na e frontera cu Alemania Oost ta sigui. Esaki ta crea un situacion cu inevitabilmente ta lamta e preocupacion di e paisnan cu tin interes pa mantencion di orden y paz den e territorio aki.

Union Sovietica, a rechaza ajera e proposicion occidental pa mantene deliberacionnan entre representantnan frances, ingles y mericano y tambe ruso, na Berlin pa evita incidentenan na e

muraja, asina nan a tende for di circulonan bon informan.

Diasabra nan a entrega na e potencianan occidental na Moscu un nota, cu e contenido aki, en respuesta riba un nota occidental di 25 di juni, den cual nan ta propone e tal deliberacionnan.



BUCEO EI „ARCHIMEDE“

TOKIO, 17 juli. — E cabina Frances di Buceo (dukecabin) „Archimede“, a alcanza ayera na noord di Hapoo fondo di un „Koorlentrog“, 9.500 meter bato di nivel di laman, e aparato di Buceo, a keda durante 10 ora bato; di awa, di cual tres tabata na profundidat, grandi.

Segun e comunicado, e dos ocupantenan, a stipula, cu e fondo dje trog (trog ta un lugar den laman, bato di awa, cu ta masha hundu), ta consisti di lodo.

Den e lodo nan a mira, hopi cos cu ta biba, principalmen'e manera un sorto di pluma di laman, y flor di un sorto di pluma.

PETROLEO NA AUSTRALIA

ADELAIDE, 17 juli. — Un compania petrolero Frances, lo bai busca petroleo na gran escala, na noord y sur di Australia, y tambe na sureste di Queensland.

Asina e prome minister di sur Australia, Sir Thomas Playford, a anuncia. Den e cinco anja cu ta bini, nan lo gasta pa e investigacion aki un suma di 3,5 millon libra di Australia.

DESGRACIA DI AVION NA SUIZA

BERN, 17 juli. — Un avion Ihe di dos motor, dje compania chikito di Alemania west di aviacion a sufri ayera den Kanton Uri, di Suiza, un accidente. E seis ocupantenan — 4 pasahero y dos piloto — a muri, e avion tabata di caminda di Colonia pa Nice.

E avion a dal na tres mil me'et di altura contra Oberalstock. Ayera tardi un grupo di Alpista, cu a wordu hiba cu helicopter na lugar dje accidente a alcanza e avion.

CONFERENCIA SOCIALISTA

BRUSSEL, 17 juli. — Ayera mainta nan a inaugura den e edificio di congreso na Brussel un reunion special di lideman socialista, bato di presidencia dje Aleman West Ollenhouer. E fin dje reunion aki ta e stipulacion di un gobierno comun pa asociacion den integracion cerca Europa di Leos. E reunion lo dura dos dia.

Ta representa Austria, Belgica, Dinamarca, Finlandia, Francia, Alemania West, Inglaterra, Hulanda, Noruega, Suecia y Italia.

Proclamacion

di 17 di juli 1962.

NA PUEBLO DI ANTIYAS NEERLANDES.

Awe noch Su Alteza Real Princesa Irene y Su Alteza Real Princesa Margriet lo jega pa cuminza Nan bishita na Antiyaas Neerlandes. Ta di prome biaha cu Nan ta bishita nos tera.

Na nomber di tur mi ta extende na Nan for diowar un cordial bienvenida den nos bunita parti di Reino.

Laga tur huntu percura di e bishita aki bira e acontecimiento inolvidable cu e princesanan a anticipa cu tanto alegria.

Demuestra huntu atrobe forza di nos amor pa nos Famia Real y muestra nos Princesanan cu Boso entusiasmo cuanto nos ta aprecia Nan bishita.

Biba e Princesanan!
Biba Cas di Oranje!

C. WINKEL G. A. zn.
Gobernador interino.



Diasabra anochi u.p. Lions Club di Aruba a instala su directiva nobo pa e periodo 1962/1963. Durante e ocasion aki e reina di Lions Club Aruba a worde corona door di gezaghebber Interino I. S. de Cuba. Nos ta mira mas ariba Sra. Enid Marugg reina di Lions e anochi di coronacion. Abou: Dr. p.dr. Tommy Pletzerz director, Oscar Marugg tesorero, Theo Hese past-president, Max Arends president, C. L. Juliao 1st vice-president, Dick Tuschik secretario, E. Oehler 3rd vice-president Jan C. Lacle director, y gezaghebber Interino I. de Cuba. Ta pertenec tambe na e directiva nobo, pero na ta riba e portret aki: Wim Schol Lion Tamer, Alfonso Mirep director, Wilko Kuterer 2nd vice-president.

FATUM—Tel.: 1845
na Sur ho asuroracion

A SLAAG 17 ALUMNO NA LOURDES HH. SCHOOL

ORANJESTAD, 17 juli. — Diavies y resultado a ser publica dje examen final di „Educacion primaria“ di Lourdes Huishoudschool na Noord. Di e 19 mucha muhehan cu a tuma parti na e examen a slaag 17 i esquinan ta: Marthilde B. Tromp, C. A. Wolff, N. Figaroa, Norb. Kelly, V. Heyden, Rosa Figaroa, Jac. Tromp, A. Faro, Greg. Croes, C. A. Croes, R. Paesch, M. Fingal, A. Kelly, C. Semerel, M. Christians, I. Ruiz y Fil. Eduardo. E tresnan mehor di slaag tabata Marthilde B. Tromp, Rosa Figaroa y A. Faro.

Despues di entrega dje diplomanan Socur Helena a tene un corto discurso den cual el a dirigie na mayoran dje muchanan cu a termina Lager School, pa nan no larga e muchanan na cas, ma di duna nan un chens pa via Huishoudschool nan bin enriquece nan talentonan.

NUBE PERSONA A MANDA PORTRET PA KALENDER DI LAGO 1963

SEROE COLORADO, 17 juli. — Foi 666 slides cu a ser ricibi pa e congreso anual di portret di Public Relations Department di Lago cu a ser manda door di 59 employe. Jury a scohe e diezdosnan di mas mehor. Esquinan a ser traha pa mas fotografos amateur i lo bai duna e kalender di Lago pa 1963.

E nuebehan, quendenan su contribucionnan a ser corona ta sres. A.J. Casali, W.W. Peters, A.G. Gebauer, S. Gumbs, B. Schellhorst, H.E. Reberg, N.H. Chung i I.R. Couty y I.R. Broz. Esouit ta di cu'er bez cu un semehante torneo a ser organiza pa P.R. Department. Pa causa portret scohi a baya un premio di f. 100.— Sres. Casali, Peters i Gumbs a mira chens di hanja dos di nan contribucionnan aproba.

TORARICA A HANJA 20 ANJA DI CASINO

ORANJESTAD, 17 juli. — Sr. Lake Kozloff, un dje directornan di Caribbean American Investment Corp. cual compania, cu no solamente na Puerto Rico, Aruba i St. Maarten, awor tambe ta bai hanja abri Hotel Torarica di Surinam, tur esquinan e ta explota. El a participa nos cu representacion di pueblo di Surinam a hanja bon di dune e casino di Torarica pa un periodo di 20 anja door di C.A.I.C.

Torarica Hotel ta ser explo'a pa Executive Gouses Inc., antes Conda Caribbean Hotels Inc. E compania di Hotel aqui ta run tambe e hotel di turista di mas grandi na Aruba.

EDGAR LACLE A SLAAG PA CANDIDAAT-NOTARIS

ORANJESTAD, 17 juli. — Diasabra Sr. Lacleo J. Lacle, donjo dje empresa „Variedades“ na Oranjestad i senjora a ricibi e bon noticia, cu nan yiu homber Edgar Lacle a slaag na universidad di Nijmegen pa candidato. No aris. Cu esouit Sr. Lacle a caba di pasa un di su examenun di mas dificil. Lo dura un paar di anja mas prome cu el a termina enter su estudio como notario completo i e ora el lo e regresa Aruba.

FRANCESNAN A CELEBRA DIA DI BASTILLE

SAN NICOLAS, 17 juli. — Diasabra miembronan di French Association a celebra den nan club e fiesta tradicional i nacional di Francia, Dia di Bastille. E produccion dje anochi bailable lo ta destina pa un intento caritativo, asina miembro di directiva E. V. Manuel a bisa.

SITUACION DI CHURCHILL

LONDEN, 17 juli. — E recuperacion di Churchill ta tumando un curso satisfactorio asina dokternan a parti'e ayera.

Manera ta conoci e homber di estado, kende actualmente tin 87 anja y cu a cai dia 28 di luna cu a caba y kibra parti ariba di su pia, a hanja ademas un trombosis na e fractura. Siman pasa el a hanja cerca tur e enfermedadnan aki un infeccion bronchial.



Ultimamente Su Alteza Real Princesa Beatrix a efectua na Wageningen inauguracion di e edificio di sociedad di club Decinterational. E portret ta munstro e princesa despues cu el a caba di hiza bandera dje club, den compania di president dje club, ir. S. Ch. Bhargava.

JAYCEE'S DI ARUBA TA DUNA E HEMPLEO

ORANJESTAD, 17 juli. — Durante un reunion di directiva di Junior Chamber Aruba cu a tuma luga diadomingo mainta, nan a dicidi di haci un donacion di f. 100.— na Soeur Cecilia foi San Nicolas, cual Soeur pronto ta bal ocupa e puesto abandonado di mision na Nyassaland, quando ta spera cu prome di su partida foi Aruba di por colecta suficiente placa pa e por cumpri remednan na gran cantidad cu cualnan na su mision aya nan por haci millagronan. Segun Sr. R. Lopez Henriquez, president di JCA a conta nos, e f. 100.— aqui ta un principio nuna. Esel ta un donacion di e club. Huntu cu esouit lo tin un coleccion mas pa e Soeur denter dje misionnan.

Durante e misanan den nisa catolico na San Nicolas nan a tene 16/7 coleccion special pa Nyassaland. E produccion di parti mainta tabata f. 1250.—, loque pastoor Erkamp a considera como un suma fieri di entusiasmo, cu nan no a spera ni un momento.

„BARLOW“ A CUMINZA DIAVIERNES NA VLIEGVELD

ORANJESTAD, 17 juli. — Cutter-zuiger „Barlow“ a cuminza Diavies na e actividatnan pa mchacion dje vliegvel. E trabao di cobamentu den huf ta awor practicamente cla, de la manera cu e asunto di jetamentu dje base pa e startnan prolonga den lagun, ta unicamente e traha restante. Awor ta dos cutter-zuiger ta traha prolongacion dje startbaan, e chikito Koninklijke Nederlandse Maatschappij voor Havenwerken, cu ta cobando i eliminando un capa di lodo, cu ta corriendo peligro cu e terreno por zak i e „Barlow“ di Atlantic Golf & Pacific Company, cu peca el ya a cuminza cu acumulacion i lodonan riba otro pa sigui plan mas desnes.

UNIFORMNAN DI VERF PA BEISBOLERONAN

ORANJESTAD, 17 juli. — Diadomingo mainta sr. H.M.R. Steenhuizen na nomber di directie di Antillanese Verffabriek cu ta procede como sponsor a entrega e uniformnan na un equipo di baseball di muchanan na Savaneta i San Nicolas. E equipo di baseball aqui a sali ultimamente foi Little League bato A-clase, pa cual tabata necesario algun reorganizacion.

„THE CHORDETTES“ DEN KLOMPEN KLUB

PALM BEACH, 17 juli. — Na ocasion di tercer aniversario di Aruba Caribbean Hotel riba dia 18 di Juli (maian) i ademas pa duna lustro na permanencia di ambos Princesnan Hulandes otro siman den hotel, ta cuminsa estrena desde awe den Klompen Klub e afamado quarteto Mericano „The Chordettes“. Esquinan ta consili foi cuater hobenista i e quartet tin caba lo anja di existencia i a hanja e.o. gran fama door di nan version di: „Mr. Sandman“, un disco cu ya nan a vende mas di 2 millon ejemplar caba di dje. Un otro disco „Lollipop“ entretanto a pasa un millon caba.

E grupo di „The Chordettes“ a ser forma riba un diadomingo atardi silenciosa na Sheboygan, Wisconsin. Cuater mucha muhe a dicidi di quibra e fastidio cu algun canto conjuntamente. Tata di un dje mucha muhehan aqui cu tabata president di un institucion local pa mantencion i apoyo di „Barber Shop Quartet Singing“, no tabata sa ta quico e tabata tende i a conseha e muchanan i a greva nan di sigui cu nan esfuerzo i esouit a bira un exito.

X X X

Den The Chordettes ta canta Jimmy Lockard e partida di soprano, cu ta queda flota practicamente riba e melod'a propio. Carol Bushman ta e mezzo-soprano i ta queda cu su canto semper bato dje melod'a. Nancy Overton tin e sublime contralto, mientras Lyan Evans tin e propio melod'a, cantando „Lead“. Lyan tabatin caba un propio „Barber Shop Quartet“ prome cu el a bai tuma parti den „The Chordettes“.

X X X

Ya „The Chordettes“ a estrena den un numero di radio i televisionnan alama. Loque ta e ultimo anu nos ta jamé „Arthur Godfrey's Talent Scout Show“, e Perry Como Show, Ed Sullivan Show, Eddie Fisher Show, Jack Paar Show. Foi 1957 caba „The Chordettes“ a ser aclama door di teeners di America como e mehor grupo cantante femenino. Huntu cu Victor Borgehan a duna funcion den Chicagoand Music Festival, unda nan a canta na mas di 7.500 hende. Ya ta tres anja tras di otro nan a duna cooperacion na eleccion di „Mrs. America“ na Florida.

E otro numeronan conoci di The Chordettes ta „We'll Sil the Sun shine Nellie“ (ta canto cu e anterior President Eisenhower tabata gusa masha tantu). „Humming Bird“. „Born to be with You“. „Teenage Goodnight“ i „Zorro“.

CINCO Y SEIS

Resultado di e caredanan di dia 15 di julio di 1962.

CABAINAN GANADOR.

Promer careda: — Peledor, componente di llave 11, di preparador V. Aleman cu jinetes G. Gavidia. Peso 50 kilo. Distancia 1700 metro. Tempo 107 3/5 sec.

Di dos careda: — Alone, componente di llave 9, pero 50 kilo, di preparador V. Catanes cu jinetes Carlos Cruz. Distancia 1300 metro. Tempo 78 3/5 sec.

Di tres careda: — Achatado (59 kilo), di preparador A. Muñoz C. cu jinetes C. Marquez. Distancia 1400 metro. Tempo 86 2/5 sec.

Di cuater careda: — Socio (57 kilo) di preparador L. Gallegos cu jinetes J.R. Ramirez. Distancia 1700 metro. Tempo 107 1/5 sec.

Di cinco careda: — Fazenheiro (57 kilo) di preparador M. Ziadie cu jinetes J.R. Ramirez. Distancia 1400 metro. Tempo 86 4/5 sec.

Ultimo careda: — Zarak (53 kilo) di preparador L. Gallegos cu jinetes W. Carrion. Distancia 1300 metro. Tempo 78 1/5 sec.

E resultado di e caredanan di 5 y 6 di d'adomingo ta un éxito pa e catedral cu a mira Achatado. Socio y Fazenheiro tres promer favorito gana e careda. Zarak otro ganador ta un segundo favorito y e dos otro ganadoman ta dos tercer favorito. Asina cu aunke cu e programa tabata mas o menos similar na e programa di e siman promer. E resultado ta completamente diferente. E siman anterior „un solo“ cuadro cu 6 cabai ganador y awor un mercado liber.

A resulta 450 cuadro cu 6 cabai ganador y 5.499 cu 5 cabai. E ganadorman di seis cabai ta hania cada uno Bs. 1.835.80. E cuadronan di cinco cabai ta gana Bs. 100, cada uno. (E cifranan aki no ta definitivo) Con e cabainan a corre?

PROMER CAREDA: — Peledor a saca cara hunita den e careda aki. Den e careda promer cu esaki ta Uruman a defende e yabi y Peledor a keda hopi atras. E biha aki ta Peledor a defende honor di e yabi y sali ganador, ora cu Uruman a yega

homeru. Arubah a domina durante e careda pero Peledor a sorprendi na ultimo y laga Arubah keda den di dos puesto sigi pa El Zar. Malbajar a yega di cuater y Noticiario a cerra e marcador.

DI DOS CAREDA: — Alone componente di llave 9, cu a reaparece despues di 3 1/2 luna di desercion a sorprendi den e segundo careda ganadoman e prueba di punta-punta. E dos componente idierman te y Ta Buzo cu a baci esfuerzo pa alcanza e ganador no a logra esey y Alone a cruza e meta cu 2 3/4 cuerpo d'antti di Ta Buzo sigi pa lei Paris lagando Te na di tres puesto. Cambio a completa e marcador. Tiacoca y Poseido a keda retira.

DI TRES CAREDA: — Achatado corriendo cu e handicap di 39 kilo a logra repiti su victoria anterior yegando 2 cuerpo dilanti di Mayoreno. E careda a inicia cu Gavina y Kiki na e baci. Achatado ta a hania dificultad pa pasa dilanti ora e jinetes a hurga convenientemente e bantaha facilmente no obstante otro esfuerzo di Mayoreno y Gavina cu a yega di dos y di tres. Di cuater lugar a ocupa Cheenne. Achi cu a corre m'hor cu e ultimo biha a logra cerra e marcador.

DI CUATER CAREDA: — Socio cu a corre pa di tres biha den La Rinconada a logra su promer victoria dunan e asina prueba di su velocidad y e-lidad. Surcoff a yega di dos 3 cuerpo tras di e ganador. Coronela cu a trata di alcanza e puntero na ultimo a laga Surcoff pasa su dilanti na ueura di dos lugar. Coronela a keda di tres sigi pa Generalissimo. Español a cerra e marcador.

DI CINCO CAREDA: — Fazenheiro e „linca nacional“ a keda ganador den e penultimo careda di e competencia. Cu e triunfo aki Millard Ziadie a alcanza e promer puesto riba e estadistica di preparador lagando A. Jaeli den di dos lugar. Ta e promer triunfo di Fazenheiro den La Rinconada. Un careda gana casi puntapien. Electivo a drenta di dos sigi pa Nagui y Ahuelo. Lusco Fusco a cerra e marcador.

ULTIMO CAREDA: — Zarak cu den e prueba aki a corre cu „espue-las“ a logra un victoria cu 7 1/2 cuer-

po dilanti di Grand Past. E careda inicia cu Grand Past como puntero sigi pa Zarak. Na altura di 700 metro Walter Carrion a pasa dilanti a domina e careda y saca suficiente ventaja na altura y e orlo M.A.P. P.S. a logra ocupa di tres lugar sigi pa Zarak y Uruman a completa e marcador. Uruman a keda retira.

PRUEBA CU BALLON DI ESPACIO

CABO CANAVERAL, 17 juli. — Nan lo lansa un ballon enorme di espacio desu curso die siman aki na Cabo Canaveral. E oficina Mericano pa vishu del espacio, NASA, lo trata di laga e ballon — cu a hania e nombre „Big Shot“ — subi altu riba atlantico, despues cu nan a lansa cu un raket dje tipo Thor.

Probablemente, nan a duna como fecha die lousamento, diarasa awor, entre mitar di cuater y mitar di seis. E ballon lo no haci orbita rond di mundo, el wordu usa pa probanman di comunicacion. E tin die lousamento ta, segun NASA, pa lansa raket y descomponer orone cu esakinan drenta den orbita rond di mundo.

E raket Thor mester lansa un ballon di 1.500 km. y trece bek despues den tempo di 29 minuut na mundo.

AVION A CAI NA SUR VIETNAM

SAIGON, 17 juli. — Djes despues di su raneada for di aeropuerto na Kontum, cu ta situa mas o menos 430 kilometer for di Saigon, un avion di forsa aerea di Sur Vietnam ayera ma'nta a cai. Di e 27 ocupanten entre cual un oficial di forsa aerea Mericano, parece cu 23 a muri.

Na salida na e vuelo pa Saigon un di e motornan a pega candela. E piloto a trata pa bolhe pong e avion na terra, pero esey no a logra y e avion a cai.

PARTICIPACION DI CHINA NA TAIPEH

TAIPEH, 17 juli. — E ministerio di defensa di China nacionalista ayera a participa na Taipei, cu artilleria di cos a di China comunista ayera noch a lansa 25 granata riba Quemoy. Ma-ayera ta conoci Quemoy ta den man di China nacionalista.

CANDELA GRANDI BANDA DI LA CIOTAT

MARSEILLE, 17 juli. — Den e mandian banda di La Ciotat na Meridional entre Marseille y Toulon, ayera ma'nta a cuminsa un candelagrandi, cu ta wordu expande door di un biento fuerte.

Ocho cuerpo di bombero di ciudadana den cerania y 159 militar for di Marseille ta luchando contra e candela.

Villama grandi pega cu Cannes na Riviera Frances tabata wordu amenasa pa un candelagrandi den miondi na costa sur di Francia, door di cual e habitantenan di e villan mester a hui. Pero bomberonan ta domando e candelagrandi.

Un di dos candelagrandi entre e pueblonan Badoulet y Ceyreste banda di Marseille, mas o menos 160 kilometer for di Cannes.

Reunion dje ministernan Britanico y e Comunidad Económico Europeo suspende

BRUSSEL, 17 juli. — Nan a suspende e reunion dje ministernan Britanico y di e comunidad economico Europeo, tocante peticion Britanico pa afiliacion den e comunidad, y cu mester a tuma lugar dia 18 y 19 di juli proximo, te 20 di juli. Asina nan a tende na Brussel. Un bosero dje delegacion Ingles a anuncia, cu nan a dicidi pa e suspencion aki, door di peticion dje ministernan.

Den circulonan cu tin relacion cu e deliberacionnan nan a declara, cu probablemente nan lo prosigui e reunion dia 21 di juli proximo.

SITUACION NA PERU

LIMA, 17 juli. — E partido Peruano Apra y e unioa nacional di general Odra a kibra nan negociacion. Segun cierto rumornan e federacion popular di Belaunde Terry a tuma iniciativanan inmediato pa yega na un acuerdo cu e partido Apra.

Den circulonan politico Peruano tin un ambiente alcu pesimista, nan ta considera tur cos posibel. E minister di guerra, general Alejandro Cuadra Rabines sin embargo a pinga, cu nan ta preparando un junta militar. Pronto ehercito lo publica un comunicado.



YABI

pa bo exito

Avisa den COURANT
Arubaanse y comparo e resultado i

TA SOLICITA

pa cuminsa traha pronto

REPORTERO (Aprendiz)

Ta necesario: bon educacion general, type-diploma, domina idiomaan Hulandes y Papiamentu, personalidad presentable. Experiencia den ramo di fotografia ta recomendable.

No personanan enérgico y cu ta gusta traha duro ta worde ofreci un trabao variable y interesante.

Unicamente solicitacion por escrito, mencionando detalladamente experiencia y capacidatnan, motibo pa interes den e trabao aki, datonan personal y referencia. Dirigi cartanan na directiva di e diario aki, Nassaust, 85, O'stad.

PROCESO NA EGYPTO

ALEXANDRIE, 17 juli. — Na Alexandria a cuminsa ayera un proceso contra disecuter Griego di origen egypcio. Nan ta worde acusa di a busca informacionnan secreto di ehercicionan di Egipto y di a duna eseynan na Israel. E fiscal a exigí pena di morto contra e griegonan y un castigo di prison pa e egypcio.

THAILANDIA NO KIER BAHIA BANDERA

BANGKOK, 17 juli. — Thailandia a deshaci ayera di soberanidad riba e tempel na frontera entre Thailandia y Camboja, un luna despues cu corte internacional di husticia na Den Haag a dicidi, cu e tempel, Preah Vihear, ta pertenece na Camboja. Pero e bandera cu ya tin mas di cincuenta anja riba e tempel, no a worde baha. Polis di Thailandia a baha e patu di bandera cu e bandera na dje. E minister Thailandes di interior, cu a asisti na e ceremonia corticu den un tremendo yobida a bisa: „Nos lo no baha e bandera, pasobra den cercano futuro nos lo pone atrobe na unda e mester ta“.

Dream Houses

at

PRACTICAL PRICES

cu materialnan di construcion di calidad y na prijs atractiva, esey ta solamente na

PETRONA & CROES

Pa tur BLOKKI PREFAB BALKI riba BENTANA, CEMENT di primera calidad

CEMPRO N.V.

WAYACKA - TEL. 2444

AVISO

Commandant di marinierskazerne „Savacu“ Aruba, ta duna di conocé cu diarazon 18 di juli 1962 for di 13.00 or te 17.00 or y diahuebs 19 di juli 1962 for di 07.00 or te 11.00 or lo tin ejercicio cu mortier riba terreno di California (Aruba).

Maximo altura di es proyectiel lo ta 1000 metros.

E terreno peligroso lo wordu stipula pa bandera corra y borchinan di aviso.

E terreno peligroso riba lamar lo ta 3000 metros.



and the

3rd. Anniversary

of the

ARUBA CARIBBEAN HOTEL-CASINO

on

JULY 18th. 1962

The CASINO

proudly presents

The CHORDETTEs

finest stars of radio T.V. records

famous by their interpretation of „Mr. Sandman“

★ ★ ★

in the

BALI BAR

the

MANDY CAMPO QUARTET





MANDY: WAS A FEATURED ATTRACTION ON DESI ARNEZ SHOW!!

★ ★ ★

ANNIVERSARY BUFFET \$ 4.50

PAPIAMEN TO ROOM 8.30 P.M.

★ ★

For Klompen Klub and Papiamentu Room reservation call 2250, Maître d' hotel

Jorge Cámara.

TRES CICLISTA DI VENEZUELA PA A.S.U. OLIMPIADA

(Di nos redactor deportivo)

Segun un diario venezolano, e president di Federacion Venezolana di Ciclismo Sr. Armin Cameron, a declara na nan cu e federacion a ricibi un invitacion pa manda tres ciclista pa competi den e venidero A.S.U. Olimpiada na Aruba. El a yama e invitacion masha generoso y cu logicamente un invitacion asina mester worde accepta.

E tres ciclistan cu ultimamente mas ta destacando, esta Freddy Jimenez, Francisco Nieves y Ramon Reyes, a worde nombra pa bin representa Venezuela na Aruba. E viahe ta stipula pa dia 8 di augustus y e regreso pa Caracas pa dia 10.

ADAMS CHICLETS A SUPERA HILTON

(Di nos redactor deportivo)

Den Wilhelmstadion Adams Chiclets a supera e novena di Hilton den otro partido di Junior League. E partido a finalisa 13 pa 5. Chiclets 12 hits y 1 error, Hilton 4 hit y 7 error. Pitcher ganador tabata Paesela, mientras cu Ma-duro a perde.

E partido entre Coca Malt y Friese Vlag no a worde hunga como cu e ultimo menciona no a presenta. Pa casualidad e equipo clase A di Verf Antillan den Stadion y un partido amistoso a worde hunga entre Coca Malt y nan. Verf Antillan a gana cu score di 2 carrera pa 0.

Reunion general di A.V.B. Diferente viahe pa exterior, statuten nobo accepta, proposicion (di Figaroa) tocante controversa A.S.U.-A.V.B.

(di nos redactor deportivo)

Diabierna siman pasa 27 club afilia na Aruba Voetbal Bond a acudi na Centro Cultural pa atende e reunion General medio-anual. Ademas di e 27 clubnan aki tabatin 7 miembro di directiva presente na momento cu e reunion a worde habri esta senjores Fichi Croes, president, Guillermo Figaroa, secretario, Tommy Coes, tesorero, Mateos Reyes vice-president, Juan Briezen, Lobo Ridderstap y Juan Kelly y tambe tres representante di A.S.U. senjores Dr. Dolfi Oduber, president, Pedro Figaroa segundo secretario y C. Kipp, segundo tesorero.

For di informacionnan cu directiva tabata tin pa estumpan presente, nos por menciona como puntonan interesante diferente viahenan pa exterior. Asina e delegacion di futbol cu lo bai representa Antillas den e Wegman Centro Americano y del Caribe na Jamaica for di 11 te 24 di augustus 1962, lo consisti di 10 hungador for di Aruba y 9 for di Corsow. Tambe lo tin viahe pa Surinam pa hungadornan di nos isla, cual muy probablemente, segun e president di A.V.B. lo worde haci door di Dakota. Un invitacion for di Departamento Municipal di Guatemala ta e tercer viahe pa exterior anuncia e anochi ey. For di e departamento menciona a ricibi un invitacion pa participen un torneo di futbol caminda lo competi ademas tres equipo di primera categoria di Guatemala. E torneo ta forma parti di un feria Departamental "La Independencia" den luna di september di e anja aki. Directiva di A.V.B. ta intencion di haci tur

esfuerzo posibel pa manda un equipo representativo.

Statuten nobo a bin cla.

Un concepto statuten completamente nobo, cual ya tabata tin aprobacion di directiva y a worde formula door di e comision especialmente encarga cu esey, a worde trata y a hant tambe comple o aprobacion di e Reunion General. Apenas algun pregunta chikito a worde haci tocante e statuten nobo, cual awor mester bai pa Gobernador di Antillas pa hant aprobacion oficial y asina A.V.B. hant su status oficial atrobe.

Door di directiva tambe a worde proponi pa aclara tambe e articulo 52 di Huishoudelijk Reglement, cual ta trata tocante kendenan tin derecho di participa den campeonatonan oficial di A.V.B. y torceran aproba of organisa door di A.V.B.

Esaki ta e articulo cu anja pasa tabata "di moda" den e problema serio cu a surgi entre A.V.B. y Aruba Jrs. en relacion cu e hungador di Aruba Jrs. Carlos Blume.

Despues cu e representante di Aruba Jrs. Sr. U. van Breet, a pidi pa agrega ainda algun palabra mas, a evita tur posibel duda, e formulacion nobo y infalible di e importante articulo aki a worde unanimamente accepta.

Loke tabata inevitable naturalmente a worde trece adlanti durante e reunion general, esta e actual controversia entre directivanan di A.S.U. y di A.V.B. en relacion cu e contract nobo pa uso di Wilhelmstadion. E president di A.V.B. a duna spikacion arba e dos puntonan cu a topa cu fuerce oposicion cerca A.V.B. Esun tabata tocante e bendemento y control di ticket di entrada y e otro tabata tocante e porcentahe di e entrada cu mester worde d'cidi entre A.S.U. y A.V.B. Di e promer pun-

to e president di A.V.B. a menciona cu directiva ta considera e asunto aki un asunto interno di A.V.B. y tambe cu nan ta opina cu ta un muestra di desconfianza den directiva di A.V.B. Especialmente e directiva di A.V.B. a sinti mas e punto di desconfianza ora cu nan vice-president a duna relato di un conversacion particular cu e tabata tin cu e actual vice-president di A.S.U. tocante di e puntonan di desacuerdo den e contract nobo. Segun e vice-president di A.V.B. door di e vice-president di A.S.U. a worde expresa cu A.S.U. ta propone e puntonan ey den e contract nobo pasobra nan no tin confianza den e directiva di A.V.B.

Di o porcentahe e president di A.V.B. a menciona e esfuerzonan cu ta worde haci pa baha e gastonan cu tin ya cu e contratanan na razon di e porcentahe bieuw mes no tabata basta. Tambe e directiva di A.V.B. a hant cu si nan acepta e proposicion di A.S.U. anto nan lo falla den nan esfuerzonan pa yuda e clubnan financieramente. Esaki lo no ta traha den direccion di progreso pa e deporte.

Luego e president di A.S.U. a pidi palabra y a cuminsa cu duna un spikacion ta com bin directiva di A.S.U. i scribi un carta pa e bondnan di Aruba pidiendo nan pa invita representante di A.S.U. na nan reunionnan general. Den un reunion general di A.S.U. esaki a worde proponi y accepta. Y awor ta promer baha cu oficialmente un representante di A.S.U. a worde invita pa atende un reunion general di A.V.B. Despues di felicita A.V.B. cu nan statuten nobo, el a duna un spikacion tocante e puntonan di vista di A.S.U. en relacion cu e actualmente tanto comento controversia. Di e puntonan aki nos a yega di haci mencion varios biaha. Sumamente strano e president di A.S.U. a hant com e directiva di A.V.B. por a tuma tanto ga serio y practicamente como oficial loke un miembro di directiva di A.S.U. ta expresa. Si loke e vice-president di A.V.B. ta pretende ta cierto, anto e opinion expresa ta unicamente di e vice-president di A.S.U. y ningun momento ta reflicha e opinion di henter directiva di A.S.U.

Tocante e rapport di e Oficina di Accountants Moret en Oudeheuden lo a traha over di e boekinan financier di A.S.U. e president di A.S.U. a informa cu e dia ey, el a ricibi e rapport completamente cla y logicamente anda e no por duna ningun clase di informacion tocante e rapport. Directiva di A.S.U. mester hant un informacionnan di e rapport promer pa luego delibera atrobe tocante nan poposicion di cambio di e porcentahe.

Esaki indudablemente tabata un bon noticia cu en relacion cu e controversia ya cu por worde spera un decision basta rapido.

Un discusion a surgi entre e president di A.S.U. y e tesorero di A.V.B. en relacion cu un convenio verbal pa hiba e boekinan financiero pa e accountant. Realmente nos a hant e impresion cu directiva di A.V.B. por a haci mas esfuerce pa e boekinan yega lo mas pronto posibel. Algo otro cu a bin na cla tambe ta cu directiva di A.V.B. mes a hiba e boekinan pa e directiva diario di A.S.U., pero e ultimo aki a prefera di laga e oficina di accountant studia e boekinan y traha na rapport. En todo caso, e rapport awor ta completa y entrega na A.S.U. y directiva di e entidad aki lo mester reuni pronto pa traté.

Frans Figaroa ta proponer algo distinto

Tocante e mes controversia aki, Sr. Frans Figaroa, ex-miembro di directiva tanto di A.S.U. como di A.V.B. y kende den su calidad di

miembro di un comision tabata presente, a haci un proposicion nobo en relacion cu e parti di entrada cu ta bai pa e bondnan. Su proposicion ta cu A.S.U. entrega pa e bondnan pa tur wega huaga den Stadion un suma fijo, es decir pa cada wega e mes un suma eliminando asina por completo e sistema di porcentahe. Sr. Figaroa a conclui su proposicion bisando cu e bondnan e ora ei cu na fin di anja no ta manera di cumpli cu nan compromisonan financiero por pidi subsidio cerca A.S.U. den e forma aki Gobierno lo por mira cual sport ta hiba e parti mas grandi di e subsidio. E proposicion aki di Sr. Figaroa indudablemente merece estudio di parti di ambos entidad y ta di spera cu e ta worde tuma na consideracion. Loke nos no por a comprende ta ta com bin Sr. Figaroa por bisa cu asina Gobierno lo por hantabi cua deporte ta hantabi gran parti di e subsidio. Ta algo cu Gobierno facilmente mester por hantabi for di tempo cu Gobierno a cuminsa ta duna subsidio na A.S.U. Tur anja un di e promernan cu ta hantabi e extenso relato financiero di A.S.U. ta Gobierno. Y for di ey den tur e detayenan por worde saca. Tambe nor wor desaeata cual ta e deporte cu mas entrada tin den Stadion.

Door di diferente representante a worde expresa cu nan ta spera cu masha pronto e problema entre A.S.U. y A.V.B. keda satisfactoriamente resolti pa asina e deporte di futbol, e deporte mas popular di Aruba, sigi su marcha normal.

Sr. Wawa Acosta, representante di Trappers, a duna un consejo masha util ora cu el a bisa, cu den asunjo di deporte no mester bira personal y cu tur persona cu ta tuma puesto den un of otro directiva mester ta apto pa tuma y ricibi critica y cu e critica nan sin embargo mester percura di keda obhetivo y duna critica constructivo. Un consejo cu indudablemente tabata na su luga pa uno y tur presente.

Trainer oficial pronto!!

Ariba pregunta di un o'tro representante, presidente Croes, a duna informacion cu ya e negociacionnan cu un trainer Brasileiro ta binendo cla. E subsidio mester worde pidi cerca A.S.U. y contract firma cu e entrenador y e ta cla pa bin. Ta trata di e entrenador Prof. Eloy Nuñez González.

Tocante hunga e competitie ariba terenonan di Aruba Jrs. of R.C.A. e president di A.V.B. a informa cu no a cay un decision ainda den e caso Ta worde trata cu directiva di e clubnan aki.

Tambe tocante di e debe di N.A.V.U. na A.V.B. a worde haci diferente pregunta.

Presidente Croes a informa cu esfuerzonan ta worde haci pa nanja e suma aki, pero cu situacion financiero di N.A.V.U. no ta bon. Contrario na e promer anjanan, e anja aki en radanan di e weganan pa Copa Antillana no a ser manda pa N.A.V.U., pero a keda cerca A.V.B. pa baha e debe di N.A.V.U.

Na final di e reunion e president di A.S.U. a conseha pa como cu tur e clubnan ta ansioso pa cuminsa e competitie 1962 pa accepta e arreglo temporal proponi door di A.S.U., es decir di cuminsa e campeonato hao di e condiconan nobo, pero cu e comprendemento cu nan pronto un contract nobo worde firma, esaki lo tin validez for di cuminzamento di e competitie. Como cu ya e proposicion aki a worde nega den un anterior reunion general, esaki no a worde ni trata.


Falta di respel

Ta lastima e nota atrobe com tin diferente representante e cu no sabi com comportar nan mes den un reunion. Aparentemente nan no ta realisa cu tur persona tin mes derecho di papia ey den sin worde stroba. Den diferente ocasion, te hasta tin biaha ora cu e president di A.S.U. ta na palabra, tin di nan hantabi tira palabran.

Esun cu tabata haci esey mester sinja cu si e no ta cu e mes opinion cu esun cu ta papiando, e tin di pidi palabra despues y spika su punto di vista of opinion, pero hao di ningun forma, grunja of tira palabra, mientras cu un otro a hantabi palabra for di e president di e reunion. Sorto di hecchonan asina ta rebaha e caracter di e reunion general, cual ta e poder maximo den cualkier organisacion.



Bishita di prinsenan Irene y Margriet na Surinam a jega na su fin. Manera nos ta mira y por a sigui noticianan, te awor el a resulta un exito completo. Sigur tambe pa ambos prinsesa, cu a sinja conoce hopi facetenan di bida na Surinam. Durante un corto interrupcion nos ta mira abao e prinsenan ta gasta un fruta. Prinsesa Irene (ariba) ta muntra su mes durante e viahenan un cineaste entusiasta, cu a filma tur loke ta interesante y bunita, fuera strango.



BISHITA DI PRINSEMAN NA SURINAM

Ayer a poblacion na Paramaribo a haya oportunidad pa eogia e prinsenan Irene y Margriet. Durante mei ora largu e descendientenan surinamense di e diferente gruponan di inmigrante a pasa cantando, gritando, saludando y bailando dilanti di e dos prinsenan. Mas dilanti a bai e indianan sigui pa e diferente gruponan crey y di bosnegernan, chines, libanes e indonesnan. Un muhe solitario creol a sera e fila y e ultimo aqui a entrega na e prinsenan un mautu cu e diferente sorto di frutanen cu tin na Surinam.

Despues di esaki e participantenan a forma nan mes den carreda dilanti di e palacio gubernamental di moda cu e prinsenan por a pasa poco poco y serca di nan pa asina admira e diferente bishitan original mas mior.

EL DIARIO DE UNA VIDA

presenta pa cortesia di: **REFRESQUERIA INGRID** Tel. 1849
★ e mehor adres pa snacks, tur clase di dushi, softdrinks, ice-cream y revistas

1. "Aho no ta bai, sr. Bell, cai drumi riba cama i sasega bo curpa te ora cu mi spierta bo." "Mi tin cos di haci, dokter." 2. "No senjor, tin aqui un cuarto. Howard?" "Claro." 3. "Mi por bai na un hospital." "Si, bo por... pero lo bo queda aqui. Papa no a bisa esey, pero mi sa cu e ta ansioso p'e renoba su amistad cu bo."



PEPITA

pa cortesia di: **Antillian Hardware Co**
Bo mehor adres pa HERMENT, Y TURMATERIAL DI CONSTRUCCION!

1. "Bo e mester wak tur e muchanan muhe bunita cu ta pasa, Lorenzo." 2. "Oh, pero un miradita no ta haci danjo." 3. Plum... 4. "Wel, sigui bo pensa mesos."



President William Tubman di Liberia a bai haci un bishita oficial na Inglaterra. E portret aki a ser saca durante un viahe circular cu nan a bai haci door di London. No obstante cu awa tabata jobe na tonelada y tabata muha e huespednan altu papnat, sin embargo el a queda sinta banda di su hospitalaria real y e multitud cu a mire tabata aplaudi'e y dune homenahe y harioende carinosamente e tabata contesta nan saludo.

★ RIES

21 Maart — 20 April



Luna jen ta avisa bo di no lagá bo sintimentunan pa nan cuenta. Caba asunjo importante na tempo.

★ TAURUS

21 April — 20 Mei



Luna jen ta exigí pa bo controla bo plan i bo pensamentunan. Caba asunjo importante na tempo.

★ GEMINI

21 Mei — 20 Juni



Luna jen ta trece situacionnan na un climax den cual bo financieranan ta meti.

★ CANCER

21 Juni — 22 Juli



Luna jen ta forma un tempo pa bo ta tactico cu sintimentunan of personanan irritante.

★ LEO

23 Juli — 22 Augustus



Luna jen por ocasiona un tempo activo cu dificultad of bruchacionnan. Bo bida priva ta meti den esey.

★ VIRGO

23 Augustus — 22 September



Luna jen ta desfavorable pa atende asuntunan interesante. No trece ningun cambio den bo sistema.

★ LIBRA

23 September — 22 October




Luna jen ta trece un crisis riba terreno objetivo i domestico.

★ HOROSCOOP DI AWE

Pa cortesia di BOTICA ARUBA

"Bo botica di confianza"

tel. 1080-1081



★ SCORPIO

23 October — 22 November



Luna jen ta tin temporada den cual bo mester huzga tur asunjo cu masha escrupulosidad.

★ SAGITARIUS

23 November — 21 December



Luna jen ta duna bo di conoce den hoga caso cu bo mester tene masha cuidao cu bo trabao.

★ CAPRICORNUS

22 December — 19 Januari



Luna ta muntra riba e necesidad di cooperacion estrecho cu hendenan cu ta di interes den bo ambiente.

★ ACUARIUS


20 Januari — 18 Februari



Luna jen ta guia algun situacion negativa i tenso na un climax; nan por tin relacion cu bo trabao.

★ PISCES

19 Februari — 20 Maart



Luna jen ta guia algun situacion negativa i tenso na un climax; nan por tin relacion cu bo trabao.